

Gou Hag Rox Cauj Byaek Lo

我学会了炒菜

贵港市覃塘区蒙公乡凌寺小学四(2)班 韦春艳



Miz ngoenz ndeu, lauxsae cam gyoengq doengzhag cawzle hagsib daihgysa lij hag rox gijmaz. Daihgysa siengj hix mbouj siengj dap naeuz: Rox vehveh, rox youzraemx, rox cawj haeux cau j byaek, rox guh hongnaz hong-reih…… Gou dingq doengzhag gangj rox guh haujlai saeh, swheij yiengh ndeu hix mbouj rox guh, roxnyinh gig najmong, couh siengsim lo. Lauxsae cam gou vih gijmaz siengsim, gou naeuz: “Gou mbouj rox guh gijmaz saeh, caen mbouj ndei eiqseiq.” Lauxsae dingq le riunyumj naeuz: “Mbouj youqgaenj, mwngz ma ranz yawjyawj daxmeh guh gijmaz, baenzlawz guh, mwngz hag le couh rox lo.”

Cuengqhag ma daengz ranz, daxmeh cingq yaek cau j byaek, gou cuengq ndei daehsaw, couh ndwn youq henzbien yawj. Cij raen daxmeh dawz byaek swiq seuq le, aeu cax daeuj ronq, hai feiz caj rek hoengzndat le raix youz roengz rek bae, gaendwk cuengq byaek roengz rek, yienzhaeh yungh gucanj aeu byaek fan bae fan dauq, caj byaek yaek cug le dwk gyu roengzbae, caiq fan geij mbat, yienghneix byaek couh cau j ndei lo.

Ngoenz daihngaih, cuengqhag le, gou vaiqdi ma ranz. Aenvih gyanhaet daxmeh doiq gou gangj: “Gou mbouj youq ranz, mwngz swheij gag cawj byaek bw.” Gou hag daxmeh yiengh-haenx guh hwnjdaej: Sien swiq byaek caiq ronq byaek, diemj feiz caj rek hoengz le, dawz youz, byaek, gyu swnh gonqlaeng cuengq roengz rek bae, gaem gucanj youq ndaw rek canj bae canj dauq. Gvaq le geij faen cung, byaek cau j ndei lo. Gou aeu dawh nip byaek daej cimz, Ya! Gyu dwk lai lo.

Gou baez daih'it cau j byaek yienznaeuz mbouj ndei gwn, danhseih gou hag rox cau j byaek lo, ngoenzlaeng gou aeu lailai bae guh, hawj bohme h ndaej gwn gij byaek gou cau j feih-dauh haenx.

(指导老师:覃福奇)

Baezneix, Gou Caen Naengzganq

这一次，我很能干

贵港市覃塘区蒙公乡高占小学四(2)班 黄瀛

Gou caen najmong, doeg seiq nienzgaep lo, lienz gaiq soujgaen iq ndeu hix caengz saeg gvaq. Youq ranz, daxboh daxmeh mbouj dwg hawj gou gwn gijneix, couhdwg heuh gou gwn gijhaenx, mbouj hawj gou guh saek yiengh.

Ngoenz singhiz roek ndeu, daxmeh cawj ndei ngaiz hawj gou, couh bae guhhong lo. Gou gwn ngaiz gvaq le, couh hwnj congz bae goemq gyaauj ninz lo. Ninz ndiu le, fatyienh buhvaq deng hanh “cimq” dumzsubsub lo. Gou sikhaek diuq roengz congz, ra buhvaq seuq daej vuenh. Yawj doi

buhvaq gou vuenh roengzdaej haenx, gou roxnyinh gij buhvaq cungj riu gou. Gou sawqmwh ndaw sim miz aen siengjap ndeu: Gou yaek gag saeg buhvaq. Yienghneix, gou couh cuengq buhvaq roengz doengj bae, gou bae ra genj, youh bae ra banjdajsaeg, caen dwg din fwngz luenh raixcaix. Gou niuj hai sui lungzdouz, couh hag daxmeh gyaeb fandox. Gou gyaeb fandox youq naj gingq ciengq go dwk yawj bae yawj dauq. Gou cingq gag angq, raemx ndaw doengj roenx okdaej lo, gwnz dieg cungj dwg raemx, gou vuengmuengz bae gven sui lungzdouz, hainduj saeg buhvaq. Gou yunghrengz fou buhvaq, mbouj siujsim lwgfwngz deng fou oklwe lo, sep raixcaix. Hoeng, gou nyaenx gij in, laebdaeb saeg buh…… Daxmeh bae guhhong dauqma, yawjraen gij buhvaq gou saeg ndaej seuqset, langh ndei haenx, yaengx hwnj mehfwngz haenx gou caen ak, rox saeg buh lo.

Baez neix, gou caen naengz-ganq ha!

(指导老师:覃珍团)



Roegmauh dwg duz roeg iq coengmingz gyaundeideu, de caepcawq bae camgya duzroeg senjgyaeu. Ndigah, gietdingh bae hag canggyaeu.

Roegciu dahcej bwnda veh ndaej ceiq gyaueu, gungjcoz daxheiz byoemmengq, fanvunj cungj gyaueu. Roegmauh yaek bae caeuc gyoengqde hagsib.

Roegciu dahcej raen roegmauh daej, angq naeuz: “Roegmauh dahnuengx, mwngz dwg duz roeg gyaundeideu, caiq cang di, haengjdingh gig gyaundeideu.” Roegmauh dingq le angq dangqmaz.

Roegciu dahcej hainduj son roegmauh. Roegciu dahcej gangj: “Daih'it, genj nganzsaek aeu caeuc gwnz gyaueu gwnz naj dapboiq doxhab. Daihngaih, dawz byai bit daz yinz. Daihsam, veh bwnda aeu gig saeqsim, aeu daj ndaw veh coh rog, daj laj veh coh gwnz, daj naek bienq mbaeu, menhmenh veh.”

Roegmauh rwz dingq dwk, hoeng, ndaw uk cix naemj daengz hwnj daiz doxdax swheij baenzlawz gyaueu.

Ciep daej, roegciu dahcej youq gwnz naj swheij guhyiengh son mbat ndeu le, dawz bit ndenq hawj roegmauh, heuh de sawq veh.

Roegmauh cuengq bit gwnz daiz bae, gangj: “Gou rox lo, gou lij aeu ganj bae caeuc roegjungjcoz daxheiz hagsib ne.” Gangj sat couh deuz lo.

Roegjungjcoz daxheiz raen roegmauh daej, angq naeuz: “Roegmauh lansau, bwn gyaueu mwngz beij bwn gyaueu gou lai, gig yungzheih guh fazhingz. Daengz seiz senjgyaeu, mwngz haengjdingh ndaej daih'it mingz.” Roegmauh dingq le engq angq lo, de naemj, swheij camgya doxdax ndaej daih'it mingz, geijlai sawj vunz

gikdoengh ha.

Gungjcoz daxheiz hainduj son gij dinfwngz roibwn, baenzlawz roi mboeng roi sanj, baenzlawz at bingz fangienj, baenzlawz dapboiq doxhab. Roegmauh gamjdaengz daiq genjdanh, mbouj siengj dingq lo. Doeklaeng, gungjcoz daxheiz son baenzlawz guh aen fazhingz swheij. Roegmauh naemj, danghnaeuz youq gwnz gyaueu swheij guh fazhingz, haengjdingh ndei yawj haujlai.

Gungjcoz daxheiz naeuz: “Gij buhvunj gyaundeideu dwg lai cungj lai yiengh, saekgyaemqgywt gyaundeideu, saekdamh hix gyaundeideu……”

Doxdax senjgyaeu hainduj lo, gyoengq roeg cungj cang ndaej gyaueulili. Roegmauh youq laengdaiz naengh daengjcoz, hainduj canggyaeu lo. De dawz bit youq gwnz lwgda veh bwn da, veh mbat ndeu, diuz rizsienq cocat genggyaeng. De cat le youh veh, lij dwg yienghneix. De gaij bae gaij dauq, gvaengzda cungj ndaemndatndat lo. De roi aen fazhingz gungjcoz daxheiz, roi ndaej luenhlablab, mbouj baenz saekdi yiengh. De gej sanq le caiq roi cug, gej bae cug dauq, baenzlawz hix guh mbouj ndei.

Seizgan daengz lo, de cijndei luenhlab roi coh gwnz geij mbat, cou hwnj daiz bae.

Roegmauh baez hwnj daiz, daengx ciengz

Roegmauh Senjgyaeu

太平鸟选美



cauzhuhu. Daihgysa naeuz: “Dai lo, lij mbouj-caengz raen gvaq duz roeg lawz daenj nganxingq ndaem caeuc mauh luenhlablab hwnj daiz senjgyaeu ne!”

Roegmauh saetnaj raixcaix. De caiq hix mbouj siengj camgya gijmaz senjgyaeu lo. De siengsim youh ienqhoij, swenj naeuz: “Mbouj beij……mbouj beij……mbouj beij……” Youh hemq naeuz: “Ienqhoij dai lo……ienqhoij dai lo……”

(Ganh Sozywnz/甘说文)